

**Tele Attaveqaatit allanngortinneqarnera pillugu inatsisartut peqqussutaata
allanngortinneqarneranik inatsisartut peqqussutaat nr. 8, 6. juni 1997-imeersaq**

§ 1.

Tele Attaveqaatit aktiaateqarluni ingerlatseqatigiiffingortinneqarnera pillugu Inatsisartut peqqussutaanni nr. 1 1-mi, 28. oktober 1993-imeersumi makku allannguutigittinneqassapput:

1. § 1-imi imm. 3-tut ikkunneqassaaq:

"Imm. 3. Nalunaarasuartaaserinermik ingerlatseqatigiiffimp kingusinnerpaamik 1.januar 1998 Kalaallit Allakkeriviata ingerlanneqarnera KNI Pilersuisoq A/S-imit isumagineqartoq tigussavaa."

2. § 2, imm. 1-imi uniffiit pingajuattut ikkunneqassaaq:

"Nalunaarasuartaaserinermik ingerlatseqatigiiffimp Kalaallit Allakkeriviata ingerlanneqarnera suliassaraa"

3. § 2, imm. 2-mi uniffiit aappaattut ikkunneqassaaq:

"Kalaallit Allakkeriviata ingerlanneqassaaq allakkerineq pillugu peqqussut naapertorlugu."

4. § 2, imm. 3 ima oqaasertalerneqassaaq:

"Imm. 3. Nalunaarasuartaaserinermik ingerlatseqatigiiffiup aktiatigut aningaasaatai ingerlatseqatigiiffiit pillugit inatsisini maleruagassat malillugit allanngortinneqarsinnaapput."

5. § 2-mi imm. 5-itut ikkunneqassaaq:

"Imm. 5. Nalunaarasuartaaserinermik ingerlatseqatigiiffiup ingerlatseqatigiiffinni aqutani tamakkiisumik ilaaiinakuusumilluunniit pigisamini suliffeqarfiit allat suleqatigalugit allanillu ateqartitsilluni ingerlatsinini ingerlassinnaavaa."

6. § 8-p kingornanut ikkmeneqassaaq:

"§ 8 a. Namminersornerullutik Oqartussani tjenestemandit, Inatsisartut peqqussutaanni nr. 14-imi, 30. oktober 1992-imeersumi § 1 1 naapertorlugu KNI Pilersuisoq A/S-imi Kalaallit Allakkerivianni sulisut periarfissinneqassapput Nalunaarasuartaaserinermik ingerlatseqatigiiffimmi ingerlatseqatigiiffissuarmulluunniit atalluni ingerlatseqatigiiffimmi atorfeqarnermut ikaarsaariarnissamut.

Imm. 2. Namminersornerullutik Oqartussani tjenestemandit, Kalaallit Allakkerivianni suli-sussanngorlugit atukkiussaasut Nalunaarasuartaaserinermillu ingerlatseqatigiiffimmi ingerlatseqatigiiffissuarmulluunniit atalluni ingerlatseqatigiiffimmi atorfeqarnermut ikaarsaariarnissa-mik kissaateqanngitsut Nalunaarasuartaaserinermik ingerlatseqatigiiffimmi Kalaallit Allakkerivianni ingerlatseqatigiiffissuarmulluunniit atalluni ingerlatseqatigiiffimmi atorfeqartussanngorlugit atukkiussaananermik kingunerisaanik allamik atorfminnissap soraarninngornissal-luunniit tungaanut aningaasarsiaqarnissamik, suliartoqquneqariataarnissamut akissarsiaqarnis-samik imaluunniit

soraarnerussutisiaqarnissamik piumasqaateqarsinnaanngillat.

Imm. 3. Nalunaarasuartaaserinermik ingerlatseqatigiiffiup ingerlatseqatigiiffissuarmulluunniit atalluni ingerlatseqatigiiffiup imm. 1 naapertorlugu akissarsiat il.il. Namminersornerullutik Oqartussanit akiliutigineqartut utertillugit akilissavai.

Imm. 4. Tjenestemandinut imm. 2 naapertorlugu Nalunaarasuartaaserinermik ingerlatseqatigiiffimmut ingerlatseqatigiiffissuarmulluunniit atalluni ingerlatseqatigiiffimmut atukkiunneqartunut Namminersornerullutik Oqartussat tjenestemandit soraarnerussutisiassaannut anin-gaasartuutit akilersussavaat. Nalunaarasuartaaserinermik ingerlatseqatigiiffmp ingerlatseqatigiiffissuarmulluunniit atalluni ingerlatseqatigiiffmp piffissamut sulisup ingerlatseqatigiiffimmi ukiunik soraarnerussutisiaqaataasussaasunik katersivianut soraarnerussutisiassanut akiliutit ingerlaavartumik akilertassavai."

7. § 9-p kingornanut kapitali 4-imut ikkunneqassaaq:

"§ 9 a. Kalaallit Nunaanni tjenestemandiunngitsunut atorfilinnut allanut, Nalunaarasuartaaserinermik ingerlatseqatigiiffmp Kalaallit Allakkerivianik tigusinerani allakkerivinni atorfeqartunut Nalunaarasuartaaserinermik ingerlatseqatigiiffik pisinnaatitaaffinnut pisussaatitaaf-fmnullu, ataatsimut isumaqatigiissutit, akissarsiat sulinermilu atugassarititaasut, Naalakkersui-sunut aalajangersarneqarsimasut akuersissutigineqarsimasulluunniit aamma akissarsiat sulinermilu atugassarititaasut pillugit ataasiakkaanut isumaqatigiissutit pillugit aalajangersakkat, naapertorlugit atasunut pisussaalissaaq.

Imm. 2. Imm. 1-imi aalajangersagaq taamatuttaaq atuuppoq Nalunaarasuartaaserinermik ingerlatseqatigiiffmp Kalaallit Allakkeriviat ingerlatseqatigiiffissuarmut atatillugu ingerlappagu".

§ 2.

Inatsisartut peqqussutaat ulloq 1. juli 1997 atortuulerpoq.

Namminersornerullutik Oqartussatm ulloq 6. juni 1997

Lars Emil Johansen

